

# QUÆSTIO MEDICA,

QUOD LIBETARIIS DISPUTATIONIBUS  
manè discutienda in Scholis Medicorum, die Jovis  
vigesima-sextâ Januarii.

M. GERMANO PREAUX, Doctore Medico,  
Professore Regio, Præsidente.

*An morborum dentur curationes magneticæ?*

I.

**S**ANARE morbos, Medicorum omnium finis est; non omnium, cum ad propositum finem tendunt, una eademque est ratio. Hi legitimâ medendi methodo ducti, quæ vident indicari remedia, morbis adhibent; alii hand vulgarem tentantes viam, per verba, characteres, sculptas imagines, amuleta; quidam per curationes magneticas morbos invadunt. <sup>a</sup> Curationes magneticæ illæ sunt, quas citra contactum corporis, propter occultum quemdam remediij cum ægotante consensum fieri perhibent. Magneticas propterea dicunt, quod magnetis videantur vim ac efficientiam æmulari. Harum curationum talia ponunt principia. Sunt in rerum universitate, sympathiæ plures, quæ astrorum influentis acceptæ referendæ sunt; has <sup>b</sup> sympathias experiuntur quæcumque ejusdem astri dominio subjacent; per totum <sup>c</sup> mundum diffusus est spiritus quidam universalis, quem magnum magnale vocant, qui tanquam pararius ac proxeneta rerum sympathicarum etiam summe distitarum communicationi servit. His positis principiis, curationum magneticarum fundamentum esse volunt mumiam, id est <sup>d</sup> substantiam levem, tenuem, ætheream, cuique pro naturâ suâ ingenitam, affectionibus virtutibusque corporis imprimis locupletem. Hujus substantiæ portio, nonnunquam à proprio subiecto in alienum migrat: <sup>e</sup> corpus quo tanquam vehiculo traducitur, sive sanguis, sive sudor, sive aliud quodcumque fuerit, magnetem vocant. Ist hæc <sup>f</sup> sejugata mumiæ portio, semper sympathiam servat cum reliquâ corporis à quo decisa est, propter astrum, quod mumiæ non solum toti præest, sed divisa etiam ejus partibus. Quidquid igitur boni vel mali contigit, derivata illi, mumiæ portioni, illud omne cum primitiâ mumiæ communicatur, virtute ac beneficio spiritus universalis, qui præsto semper est. En principia & fundamenta, quibus stant & manent curationes magneticæ.

I I.

**Q**UEMADMODUM sanis corporibus, sic etiam <sup>g</sup> ægris mumiæ assignant, quæ pro morborum discrimine sit omnino diffrens: hanc ab ægro corpore magnetis cujusdam ope educam in alienum, plantam nempe vel animal transferunt. Si forte in <sup>h</sup> plantam, morbum traducere sit animus, terram ægotanti parti admovent ut inde hauriatur mumia morbifica; in terrâ istâ fermento mumiæ factâ, plantas ferunt curando morbo speciatim dicatas; has ægotantis urinâ, earundem plantarum salibus, citatâ, irrorant; tum plantis crescere, ac vegetari incipientibus, mumiale morborum fermentum corpus ægotum deseret,

<sup>a</sup> Etmuler. in append. 105.

<sup>b</sup> Tenzel. diastat. Medic. c. 7.

<sup>c</sup> Helmont. de Magnetic. vulner. curat. 70. 151.

<sup>d</sup> Tenzel. c. 1. Etmul. in append. 106.

<sup>e</sup> Etmul. in append. 106.

<sup>f</sup> Tenzelius c. 1. diast. med. Tenzel. c. 8.

<sup>g</sup> Tenzel. diast. med. c. 1.

<sup>h</sup> Tenzelius. diast. med. c. 7. c. 9.

<sup>1</sup> Tentzel.  
c. 7.

<sup>2</sup> Helmont  
de magne-  
tic. vuln  
curat. 20.  
Burggrav. in  
biolich.

<sup>1</sup> Goclenius  
tract. de  
unguent.  
arm.

Joannes  
Matthæ. de  
unguent.  
armar.  
Papin. de  
pulu. sym-  
pach.

& in plantam ubertim transportabitur. Post <sup>1</sup> istam translationem, plantæ pro-  
cujusque morbi naturâ tractandæ erunt, quippe vel in aquam, dum morbus cali-  
dus siccus; vel in ignem, dum frigidus humidus, projiciendæ. Si <sup>2</sup> morbum ut  
hydropem, podagram, icterum in animal transferre placuerit, sanguinem ægri  
calentem, in ovi putamine includunt, fovendumque gallinæ supponunt, mox  
devorandum oggerunt sui, vel cani, in quem indubitanter relicto ægotante  
migrat affectus. Eo referri potest *σπαιδρεα* seu magnetica vulnerum curatio,  
quæ vel pulvere sympathico, vel unguento armario instituitur. Pulvis sympa-  
theticus nihil est aliud quàm vitriolum, in sole quo tempore solitus est leonem  
ingredi per tercentas sexaginta horas expositum. Unguentum armarium confi-  
ciunt ex usicâ sive musco suspensorum capiti supercrecente, sanguine humano,  
oleo lini, terebenthina, bolo armenia, &c. <sup>1</sup> Quocumque medicamento sive  
pulvere, sive unguento placuerit uti, eo telum quo fuit homo vulneratus quo-  
tidie afficiunt à cuspide capulum versus, si punctum inflictum est vulnus; ab acie  
versus dorsum, si cæsum: cum appareat quam alte descendit telum, partem ejus  
immersam duntaxat; cum non appareat, totum omnino telum adornant. Medi-  
catum telum, in loco frigido, si vulnus inflammationem patitur; in calido, si  
frigida adest intemperies; in temperato, si nihil horum est, continent. Defectu  
teli ligillum saligneum vulneris cruore tingunt, ipsique remedium adhibent, ac  
non quotidie ut ipsimet telo si adest. Hæc omnia diligenter si peracta fuerint,  
hopliatrici illi Medici fore confidunt, ut datâ à vulnerati cruore agendi occa-  
sione, pulvis vel unguentum, suam, spiritus universalis ope, virtutem in vul-  
nus immittat, quâ cito tuto & jucunde ad cicatricem perducatur.

## III.

**Æ** GROTIS corporibus pravum inesse fermentum, sive mumiam, ut  
vocant, morbificam; mumia istius portionem nonnunquam ab ægro ho-  
mine in alium hominem migrare similemque convehere affectum, libenter dant  
quilibet Medici, in plantam vel animal, non item, Plantarum, animalium, ho-  
minum omnino discrepans atque incongruens natura; trium specierum unicui-  
que suæ sunt affectiones; sui cibi, sua venena; sui morbi, sua medicamenta  
sunt. Vix reperire queas aliquid quod triplici familia æqualiter sit conveniens vel  
contrarium. Quisquis es igitur, qui tantâ discordiâ mini nê deteritus de morbo  
hominis in plantam traducendo cogitas? fac terrâ parti dolenti admodum mumia-  
ticum fermentum excipi posse, nec statim dissipari ac evanescere ut fieri debet;  
fac mumiam istam cum plantis morbo dicatis copulatam, viribus augeri (quam-  
quam ab ipsis destrui potius quam roborari debere verisimile est;) fac plantas  
urinâ ægotantis irrigatas vivere ac vigere (quid urinâ tamen ad necandas plan-  
tas aptius;) at levis isthæc mumia portio eone virtutis pervenire potest, ut reli-  
quam mumiam copiâ & viribus multo superiorem è fundo proprio nempe ægroto  
corpore possit extrahere; quanto minus morbum eradicare poterit, si non pen-  
deat is ex fermento solum sed ex vitiatâ partium substantiâ, depravato pororum  
situ aliâve causâ, quæ nullatenus è proprio subjecto possunt in alienum migrare.  
Quid igitur proderit plantas post imaginariam illam translationem exurere, vel in  
profluentem projicere; cum causâ morbificâ nullatenus ab ægroto corpore de-  
cesserit. An vero Hydrops & icterus quorum uterque plures, easque omnino di-  
versas habet causas, eodem remedio, eadem, si fas ita loqui, transplantatione  
sanabitur? an pleuritis omnesque peracuti morbi tantas ferre poterunt, nec  
ante tot peractas caeremonias jugulabunt ægotantem - agedum sanguis calens

icterici podagrici &c. in ovi putamine inclusus post gallinæ incubitum sui vel cani porrigatur, unde mumia isthæc morbosica animali recepta, acquirit evocandi morbi facultatem? vim ne ibi majorem adipiscitur, immo debet ibi superari, toxicorum more, quæ exigua dosi exhibita, facile subiguntur. Quorsum verò gallinæ incubitus? ligallinam inter, ac mumiam morbosicam convenit, cur non in gallinam potius quam canem illa transit: si non convenit, cur inimico calori committunt mumiam, quam servare tamen, & augere viribus volunt.

# I V.

**Q U A S C U M Q U E** vel pulveri sympathico vel unguento armario virtutes affingant, ultro fateantur necesse est, neutrum medicamentum posse partium nobilium, aut socia fracturis vulnera sanare, sistere sanguinem, inflammationem aut dolorem mitigare, extrahere res alienas, hiantia nimis labra adducere & continere, carnium luxuriam exedere, coalescentia citius vulnera remorari, ossium cariem emendare. Hæc omnia Chirurgiæ opem requirientia cum præstare nequeant pulvis, aut unguentum, utrumque ad simplicia vulnera redactum viderint, quæ curari solent à natura quotidie. At, <sup>m</sup> iniquient, eximii suis virtutibus naturam juvant, ejusque in curandis vulneribus functiones mirifice promovent. Quid autem in vitriolo aut unguento est, quo tantopere natura juvari possit, ac roborari. vitriolum est minerale conflatum ex spiritu acido, ex aluminoso sale, & partibus metallicis: quid ibi tam eximium, tam excellens? at in sole per plures horas fuit expositum? quid inde, nisi ut istâ calcinatione etiam caelesti, amittat humorem nativum, quem statim ac à sole removetur, recipere properat. An vero ab unguento armario tanta sunt expectanda miracula: at ipsius misturam subit <sup>o</sup> divina usnea, quæ ex minime dissipatis suspensi viri spiritibus, simulque influentis caelestibus coalita insignes virtutes obrinet astrales, & magneticas. An vero spondeant suspensum fuisse sanum (° sanum enim ut usnea valeat, fuisse volunt) sed in miseris, etiam sanis duam ad patibulum semi animas ducuntur, quam pauci, quam languentes spiritus, & spiritu isto- rum tristes reliquæ, inclementiæ aëris obnoxia, morti superesse poterunt, ut usneam longo post tempore succrescentem foveant ac generent. Ultimum perisugium erunt aliorum influentiæ: hæ (si tamen ullæ sunt) paratum, fœrentibus ipsis, subiectum requirunt: an suspensi excipiendis ipsis ita sint habiles, merito dubitatur. Porro medicamenti virtus, quantacumque sit, quomodo cum vulnere communicatur. Spiritus universalis ibi commodum se offert, qui ipsam superatis obviis quibusque obicibus in quavis distantiam deferat. Hanc transportationem juvant, <sup>p</sup> phantasia medentis, medicamenti v'm ad vulnus dirigens, <sup>q</sup> phantasia ægrotantis, virtutem sanguinis balsamicam alliciens, <sup>r</sup> phantasia sanguinis ad corpus unde prodiit, redire properans; quin & sua est <sup>s</sup> unguento phantasia, qua sanguini dominetur. Tantene Medicis magneticis nuge? quid (quod sine periculo fieri poterat) vetabat ipsi vulnere medicamentum imponi; sic spiritu mundano, torque phantasiis carere potuissent; sic, quam reddere nequeunt, reddere rationem non cogentur cur soli telo non vestibus, non indusio medicamentum adhibent? cur à cuspide capulum versus telum medicant, si punctum inflictum est vulnus; ab acie dorsum versus, si casum? cur sanguinis telo hærentis tantam habent curam, cum in vestes, aut in terram effusi, qualvis injurias patientis multo majorem copiam negligant? cur defectu teli lignum eligunt salignum potiusquam aliud quodlibet? cur denique lignum illud salignum quotidie, quemadmodum telum medicare non est opus.

<sup>m</sup> Papin. de pulu sympath.

<sup>n</sup> Helm de mag. vuln. curation.

<sup>44</sup> Daniel Becker. de unguent. armario.

<sup>o</sup> Teenzel. c. 2. Diast. Medic.

<sup>p</sup> Helm. de sympath. mediis 614

<sup>q</sup> Goclenius tract de unguent. aimar.

<sup>r</sup> Helm de magn. vuln. curat. 166.

<sup>s</sup> Helm. de magnetic. vuln. curat. 140.

\* Genes. c.

1.

u Papin de  
pulu. sym-  
path.Goelenius  
tract. de  
unguent.  
armar.

x Helmont.

de magn.

vuln. curat.

23.

y Helmont.

de magnet.

c. vulner.

curation.

33.

z Barthol.

centur. 6.

obser.

a Helmont.

de magnet.

vuln. curat.

27.

Et mul. in

append.

106.

b Digbaeus

de pulu.

sympath.

c Helm. de

magnet.

vulner. cu-

rat. 21.

QUI mixtorum sympathias ac virtutes, per astrorum influentias aperiunt, obscurum per obscurius explicant; qui curas morborum magneticas per spiritum universalem negotiantur, effectum haud possibilem, per imaginariam causam instituunt. An spiritum hunc satis stabilitum putant quod initio mundi spiritus domini ferebatur super aquas, quodque mundum hunc esse magnum animal volunt cuius anima spiritus ille sit. At in animalium corpore cum sit confluxus unus, conspiratio una, consentientia omnia, quare in magno illo animali nempe mundo, tot dissensiones, tot antipathiae; quare spiritus ille universalis, tam intelligens, tam rerum omnium quae in universa natura sunt gnarus; cum anima in corpore proprio, ignara quid agatur, caecutiatur? tot futilitates, tot figmenta tolerabilia essent, si solidi quidpiam haberent omnia magnetismorum sympathiarumque, quibus stant curationes magneticæ exempla ac testimonia. An vero rei dubiae fidem faciunt historia nasci adsciti, à bajuli brachio mutuari & longo post tempore ad bajuli mortem, putrescentis, ac decidentis: historia feminae, arthriticæ subito factæ, quod in sella sedisset in qua sedisset olim frater ejus arthriticus: historia viri intestinorum tormina toties patientis, quoties uxor ejus esset parturiens &c. Nec veræ magis sinceræque sunt experientiae: magnetismus canis dominum deserentis, ut alteri panem sudore suo madentem porrigenti, addicatur; nutriticis mammae illico exarescentes, si lac emulsum in prunas injiciatur, summa podicis uredo, si candente ferro tangantur alvi faeces &c. Hæc infinitaque alia, cum experiri lubet, reperiuntur mendacia. Magnetis cujus nomen tot magnetismis prætexunt, virtutem habet quam in dubium revocat nemo: curationes magneticæ cur tantopere controversæ, si tam certæ atque exploratæ sunt, quam magnetis actiones; denique spectentur agendo magnetici illi Medici, tam magnifica promissa ad nihilum recidere comperias. Quod si post vanas illorum caeremonias, & magneticam tractationem, morbi quidam fuerint sanati, post hoc, non propter hoc, soliusque naturæ beneficio tunc sanati censendi sunt.

*Non ergo morborum dantur curationes magneticæ.*

Domini Doctores disputaturi.

M. Michael Pichonnet.

M. Joannes Daval.

M. Nicolaus Lienard.

M. Franciscus Picoté de Belestre,

M. Claudius Quinquenb.

M. Philippus Doute.

Schola Professor.

M. Nicolaus Bailly.

M. Bertinus Dienxivoye.

M. Nicolaus Morin.

Proponebat Parisiis ARMANDUS JOSEPHUS COLLOT,  
Parisinus, Baccalaureus Medicus. A. R. S. H. 1696.

Apud Franciscum Muguet, Regis & Facultatis Medicinæ Typographum.